

Malou, 1j.



suechet äs nöiies Daheime mit Garte/Freigang/Gspänli

Liebi Tierfründe

Lueget einisch, bin ig nit e ganz e Härzigi? Ä waschächti Tigerin! Ig bi d'Malou u uf dr Suechi nach eme nöiie Daheime. Warum? Ig schtamme vo ere Beschlagnahmig u heb uf ere Pflägschtäu mini Bébés ufziehe dörfe. Itze sy sy flügge u ig bi parat für mis zwöits Läbe u es nöiis Daheime. Drum!

Ig bi 1jährig, izwüsche kaschtriert, chippet, abr no nid gimpft, negativ teschtet, entwurmt, gsung, schtuberein, guet erzoge, lieb u sähr nöigiirig u verschmuest. Was ig aues so mag, fragsch Du? Oh, ig mag Schpiue u Schmüsele u d'Wäut erchunde. U natürlech hätt ig gärn wiedr min Freigang, am beschte durchs Törli düre, sunsch muesch Du Türliöffner schpiue (inne-usse-inne- ...). Das wottsch Du doch nid duurend, oder? Ebe! Törli! U ig bi sähr nöigiirig, bi Bsuech hou ig mir scho mini Schtriicheleiheite ab. Ig chenne u mag ou Ching, Hung u Chatz, ig cha mit auem u jädem. Was ig nid so mag? Auso, mir faut da nid viuiei, Langewiili, das isch nid so Miis, bi mir muess immr öppis los sy. Sunsich mach ig öppis los!

Ig suechi liebi Mönsche mit viu Ziit u Luscht zum Schpiue u Chräbbele, di mir Programm biete. Bi mir muess öppis gah. Gärn e Familie mit Ching u Chatz. Da isch denn fascht immr öpper da zum Schpiue. S'dörfti gärn e eiges Huus sy mit Garte odr e Ärdgschosswohning, so dass ig inne u usse cha, ir verchehrsarme Umgäbig, mit Wiese u Fäudr umme. Isch bi Öich oft öpper dihei? Wohnet Dir verchehrsam u heit Dir villiicht sogar en Garte? MIN Garte? U es Törli nach dusse? U e liebs Chatzegschpänli? Zu zwöit macht's Läbe doch dopput Schpass. Chönntet Dir mir so öppis biete? Mega, denn chönnt das mis nöiie Daheime sy, denn müesst mir üs unbedingt lehre chenne. Ig werd vo Cat Care Sensebezirk vermittelt, mit Schutzvertrag u gäge Schutzgebühr, u wohne im Moment no z'Plaffeien/FR, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Bsuechet Dir mi einisch?

Dini Malou



Katze sucht Mensch - Mensch sucht Katze

Sonja Ball

Tel.Nr. 079 333 45 62 Mo-Fr 18-20h)

kontakt@katze-sucht-mensch.ch